

Sámi allaskuvlla stivrainstruksa

Dohkkehuvvon allaskuvlastivrra stivračoahkkimis 14.03.2024, S-5/24, ođasmáhtton 01.08.24.



Sámi allaskuvlla stivrainstruksa

Jorgaluvvon dárogielas

Dohkkehuvvon allaskuvlastivrras, stivračoahkkimis 14.03.2024, S-5/24, ođasmáhtton 01.08.24 ođđa UA-lága geažil.

1. Instruksa ulbmil

Instruksa galgá addit dárkilat njuolggadusaid allaskuvlastivrra ovddasvástádusa ektui, ja mearrida njuolggadusaid allaskuvlastivrra bargui ja áššemeannudeapmái nu ahte mearrádusat mat dahkkojuvvojit leat allaskuvlla buoremusat. Instruksa galgá maid čielggadit stivrrajodiheaddji doaimmaid allaskuvlastivrra ektui.

Stivrrainstruksa adnojuvvo šiehtadussan gaskal guoskevaš stivrralahtuid, várrelahtuid ja allaskuvladirektevrra stivrra doaimmaid ja áššejođu ektui. Stivrrainstruksa lea fámus dassážiigo ođđa ja rievdaduvvon stivrrainstruksa lea mearriduvvon.

2. Allaskuvlastivrra ovddasvástádus

Allaskuvlastivra lea allaskuvlla alimus orgána, ja allaskuvlastivrra ovddasvástádusa láhkavuoddu lea Universitehtaid ja allaskuvllaid lága (UAL) § 4 - 1: *Stivra lea universitehtaid ja allaskuvllaid alimus orgána.*

UAL § 4-2 Delegeren:

Stivra sáhtá sirdit iežas mearridanválladi earáide ásaahas nu guhká go lágas ii čuoččo ahte stivra ieš galgá váldit mearrádusa, dahje ahte leat eará erenoamáš ráddjejumit váldesirdima ektui.

Čuovvovaččat namahuvvo allaskuvlastivra stivran.

3. Stivrra barggut

Stivrra barggut čuvvot UAL §4-1:

Stivra galgá välljet strategiija ásahusa oahpahas- ja dutkandoibmii ja eará fágalaš doibmii ja ráhkadit plánaid fágalaš ovddideapmái.

Stivra galgá mearridit ulbmiliid ja boađusgáibádusaid ja sihkaráhtit ahte ásahusa ekonomalaš resurssat ja opmodat hálddašuvvojit daid mearrádusaid mielde maid bajit eiseváldi lea addán, ja juolludusaid eavttuid mielde dahje eará čadni mearrádusaid mielde.

Stivra galgá juohke jagi addit jahkerekketdoalu mas bohtosat leat čilgejuvvon ja mearridit boahttevaš jagi bušeahtta.

Stivra galgá dohkkehit instruksa ásahusa beaivválaš jođiheapmái.

Stivra mearrida ieš doaimma siskkáldas organiserema buot dásiin. Organiseren galgá sihkkarastit studeanttaid ja bargit mielváikkuheami.

Stivrra bargguid birra galgá nu bures go vejolaš leat rabasvuohta. Stivračoahkkimat galget leat rabas čoahkkimat, jus stivra ii mearrit eará, gč UAL §4-8, 2.lađas.

Stivra čuovvu maiddá Stáhta universitehtaid ja allaskuvllaid Doaibma- ja ekonomiijainstruksa, maid Máhttodepartemeanta lea mearridan. [Instruks UH \(endelig STY\) 10.6.2020 \(regjeringen.no\)](#)

Stivralahtut galget álelassii gozihit allaskuvlla beroštumiid.

4. Stivrra oktiibidjan ja mearridanváldi

UAL § 4-3. Stivrra oktiibidjan

Stivrras galget leat oktanuppelohkáid lahtu. Das galget leat njeallje lahtu mat leat välljejuvvon oahpahas- ja dutkanvirggiid bargiid gaskkas, okta lahttu teknihkalaš ja hálddahasbargiid gaskkas, guokte lahtu mat leat välljejuvvon studeanttaid gaskkas ja njeallje olggobeale lahtu.

Departemeanta nammada ovttá olggobeale stivralahtuin stivrra jođiheaddjin. Jus rektor lea välljejuvvon § 4-6 vuođul, de lea rektor stivrra jođiheaddji, ja álgá stivrii dan sadjái go okta lahttu välljejuvvon bargiid gaskkas geat leat oahpahas- ja dutkanvirggis.

Stivra sáhtta ieš mearridit eará stivraoktiibidjama go dat mii lea mearriduvvon vuosttas lađđasis. Dakkár mearrádus ferte dahkkojuvvot nu ahte unnimusat bealli stivralahtuin dorjot dan. Oahpahus- ja dutkanvirggiid bargit, tehnikkalaš ja hálddahuslaš bargit, studeanttat ja olggobeale olbmot galget leat mielde stivrras. Ii ovttaga joavkkus galgga leat eanetlohku okto.

Stivra sáhtta ieš mearridit ahte stivrra eanetlogus galget leat olggobeale lahtut. Dakkár mearrádus galgá dahkkojuvvot nu ahte unnimusat guokte goalmádasa stivralahtuin dorjot dan. Oahpahus- ja dutkanvirggiid bargit, tehnikkalaš ja hálddahuslaš bargit ja studeanttat galget leat mielde stivrras. Departemeanta sáhtta erenoamáš oktavuodáin mearridit eará stivraoktiibidjama dahje stivraortnega go dat mii lea mearriduvvon.

Sámediggi nammada friddja guokte olggobeale stivralahtu ja ovttá várrelahtu Sámi allaskuvlii. Departemeanta nammada friddja stivrajođiheadđji, earet go jus ásahus lea välljen rektora stivrajođiheadđjin, ja eará olggobeale lahtuid ja nummáraláš várrelahtuid njealji jahkái, gč UAL §4-4, 4.lađas.

Buot stivralahtut välljejuvvojit 4 jahkái, earret studeanttat ja gaskaboddasaš bargit oahpahus- ja dutkanvirggiin geat välljejuvvojit ovttá jahkái hávális, gč UAL § 4-4, 1.lađas.

Allaskuvladirektevra lea stivrra čálli.

Stivrras lea mearridanfápmu go eanet go bealli lahtuin leat čoahkis, gč. UAL § 4-9, 2.lađas. Stivralahtuin lea geatnegasvuohta boahitit čoahkkimii jus sis ii leat dohkálaš jávkanlohpi.

Lahtu gii ii sáhte searvat čoahkkimii galgá nu fargga go vejolaš dieđihuvvot dan stivrračálli. Stivrračálli fuolaha ahte várrelahtut gohččojuvvojit. Olggobeale lahtuid ja studeanttaid várrelahtut gohččojuvvojit persovnnalaččat, ja bargiid várrelahtuid gohččojuvvojit dađistaga várrelahtuid listtu vuoru mielde.

5. Permišuvdna, geassádeapmi ja nu ain

Stivrralahttu geas lea virgelohpi, luohpá virgelohpeáigodagas. Várrelahttu álgá dalle bistevas lahtun. Dat boahá ovdan UAL:s ja Sámi allaskuvlla válganjuolggadusain, goas odđa- dahje lasseválga galgá čadahuvvot.

6. Bealálašvuohta (gč. Hálddahušlága §§ 6 ja 8), Kapihtal 2

Stivralahtuin lea alddiset ovddasvástádus árvvoštallat iežas et bealálašvuođa, eai ge sáhte oassálastit áššiid meannudeapmái gos sii leat bealálaččat. Jus stivrralahttu oaivvilda iežas leat bealálažžan, dahje jus lea eahpesihkkar iežas bealálašvuođa ektui, de galgá son ovddidit ášši stivrii mearrideapmái. Go stivra gieđahallá gažaldaga lahttu bealálašvuođa birra, de guođđá dát olmmoš čoahkkima.

Jus lahttu lea bealálaš, de son guođđá čoahkkima dan botta go ášši meannuduvvo. Várrelahtu gohččojuvvo jus dat lea praktihkalaččat vejolaš.

Hálddahušlága § 8. (mearridit bealálašvuođaášši).

Virgeolmmoš mearrida ieš ahte lea go son bealálaš. Jus áššeasálaš gáibida dan ja dan sáhtá dahkat almmá mearkkašahhti áigegolu haga, dahje virgeolmmoš ieš gávnnaha ákkaid dasa, de galgá son ovddidit ášši lagamus jođiheaddji mearrideapmái.

Kollegiála orgánain dahká orgána ieš mearrádusa, áššáigullelaš lahttu haga. Jus ovttá ja seamma áššis čuožžila gažaldat bealálašvuođa birra mángga miellahtus, de ii sáhte oktage sis leat mielde mearrideamen iežas dahje eará miellahttu bealálašvuođa, earet jus orgána muđui ii livčče sáhtán mearrádusa váldit áššis. Mañimus namuhuvvon dilálašvuođas galget buot čoahkkinoasseváldit oassálastit.

Lahttu galgá buori áiggis muitalit dilálašvuođaid birra mat dagahit dahje sáhttet dagahit su bealálažžan. Ovdal go ášši mearriduvvo, de berre várreolmmoš dahje eará sadjásašolmmoš gohččojuvvot boahit ja searvat mearrideapmái jus dan sáhtá dahkat almmá mearkkašahhti áigegolu dahje golu haga.

Stivrralahttu ii galgga leat mielde meannudit dahje váldit mearrádusa áššiin main lea earenoamáš mearkkašupmi alces dahje eará lagašolbmui, ja go adnojuvvo ahte sus lea persovnnalaš dahje ekonomalaš erenoamášberoštupmi áššis, geahča muđui hálddahušlága § 6. Seamma guoská allaskuvladirektevrii.

Allaskuvladirektevra ja rektor leaba bealálaččat go stivra meannuda sudno virgádaneavttuid.

7. Stivralahtuid vuoigatvuođat ja geatnegasvuođat

Stivralahtuin lea vuoigatvuohta ja geatnegasvuohta searvat šiehtadallamiidda ja jienastit. Ii leat vejolašvuohta jienastit guorus válgalihpuin, earret válggaid oktavuodas. Go eará áššiin go válggain leat

ovtta mađe jienat, de lea čoahkkinjođiheadđji jietna mearrideaddji, gč UAL §4-9, 1.lađas. Jus leat ovttameare jienat válggain, de mearriduvvo dat vuorbádeami bokte.

UAL § 4-1, 6.lađas:

Stivrrajođiheadđjis ja stivralahtuin lea vuoigatvuohta oazžut govttolaš buhtadusa doaimma ovddas. Buhtadusa mearrida departemeanta.

Mátke- ja goluid gokčan mákso mearriduvvon njuolggadusaid mielde.

8. Jávohisvuodageasku gč. Hálldahuslága § 13

Áššiid meannudeapmi mas lea jávohisvuodageasku galgá dáhpáhuvvat gitta čoahkkimiin.

Áššebáhpírat sáddejuvvojit stivralahtuide digitálalaččat. Suollemas dieđuid dahje referántaid mat bohtet ovdan siskkáldas ságastallamiin giddejuvvon čoahkkimiin, ii galgga viidáset doalvut. Láhkaásahuvvon jávohisvuodageatnegasvuoda rihkkun sáhtá dagahit rievttálaš reakšuvnnaid.

Dokumeanttat mas leat dieđut mat gullet jávohisvuodageatnegasvuhtii biddjojuvvojit giddejuvvon digitála vuogádahkii, masa dušše direktvevra ja stivralahtut besset. Miellahtuide ii leat lohpi kopieret dahje viidáset gaskkustit dokumeanttaid mat eai leat almmolaččat.

9. Stivračoahkkimat - plána

Stivra dohkkeha boahhte jagi čoahkkinplána mañimusat vuosttaš dábálaš čoahkkimis mañnil geasseluomu. Nu guhkás go lea vejolaš de biddjo plána makkár áššit galget meannuduvvot biddjojuvvon áigemeeriid siste.

10. Gohččun ja áššebáhpárat

Rektor ja allaskuvladirektevra hábmeba ja sáddeba gohččuma ja áššelisttu ovttas. Rektor, allaskuvladirektevra dahje guokte lahtu stivrras sáhttet gáibidit ahte stivra gohččojuvvo čoahkkimii mii ii leat biddjon mearriduvvon čoahkkinplánii.

Áššebáhpírat galget, dábálaččat, almmuhuvvot digitála vuogádahkii mañimuštá vahku ovdal čoahkkima. Liigedokumentašuvdna ja/dahje áššečilgehus sáhtá spiehkastahkan sáddejuvvo mañná, muhto lahtut fertejit leat ožžon dan mañimusat guokte beaivvi ovdal čoahkkima.

Stivrajođiheaddji mearrida ovttasráđiid allaskuvladirektevrrain jus ášši ii galgga almmuhuvvot. Ovdal juohke stivračoahkkima galgá dollot DRŠ (Diehtujuohkin, ráđđádallan, šiehtadallan) čoahkkin váldoluohttámušolbmuiguin (VL). VL galgá oažžut áššebáhpáriid (earret B-áššiid) oktanaga stivrralahtuiguin.

11. Stivrračoahkkimat

Stivra galgá meannudit áššiid čoahkkimis. Spiehkastahkan sáhttet stivrračoahkkimat dollojuvvot digítálalaččat.

Hoahppoáššiid galgá nu bures go vejolaš garvit. Stivralahtut galget liikká leat gergosat gieđahallat áššiid mat váldojuvvot ovdan oanehis áigge, dahje čoahkkimis jos dat adnojuvvo dohkálažžan. Stivra sáhtta mearridit hilgut meannudit áššiid mat buktujuvvot njuolga stivrračoahkkimii ja mat dárbašit dárkilat ráhkkanemi.

Áššiid maiguin ii sáhte vuordit boahte dábalaš stivrračoahkkimii sáhttet buktujuvvot rektorii guhte váldá mearrádusa stivrra ovddas, jus ášši ii leat mearkkašahhti dahje jus eai leat lágalaš ráddjejuvit, gč. Sámi allaskuvlla beaivválaš jođiheami instruksa. Mearrádusat maid rektor lea váldán ovdanbuktojuvvot diehtun stivrii čuovvovaš stivrračoahkkimis.

Stivrra čoahkkimat leat rabas čoahkkimat. Áššit mat eai leat almmolaččat, galget meannuduvvot giddejuvvon čoahkkimis.

12. Čoahkkingirji

Stivrračoahkkimiin galgá čállo čoahkkingirji. Lea stivrra čáli guhte čállá čoahkkingirji. Čoahkkingirjái čállojuvvo goas ja gos stivra lea meannudan áššiid, geat ledje čoahkkimis, jus lei oktage guhte lei cealkán ahte ii boade čoahkkimii, ja jus muhtin geassáda áššiid meannudeamis go lea bealálaš, ja stivrra mearrádus. Jus stivrra mearrádus ii leat ovttajienalaš, de galgá jienasteapmi boahit ovdan čoahkkingirjii. Stivrralahttu sáhtta gáibidit ahte su oaivil čállojuvvo čoahkkingirjái. Berre čállojuvvot hui oanehaččat.

Čoahkkingirji galgá ráhkaduvvot nu johtilit go vejolaš maŋŋá stivrra meannudeami, ja sáddejuvvot stivrii dohkkeheapmái. Ferte cuiggodit 6 beavvi siste jus leat mearkkašumit. Maŋŋá cuiggodanáigemari de almmuhuvvo protokolla allaskuvlla neahttasiidui ja sáddejuvvo Máhtdepartementii, studeantastivrii ja riikkarevišuvdnii.

Čoahkkingirji čállo davvisámegillii ja jorgaluvvo dárogillii.

13. Stivrra mearrádusaid čuovvoleapmi

Allaskuvladirektevrras lea ovddasvástádus čadahit ja álggahit stivrra mearrádusaid. Go bivdojuvvo de sáhtá allaskuvladirektevra ovdanbuktit mearrádusa čuovvoleami stivrii.

Stivra sáhtá álelassii gáibidit ahte allaskuvladirektevra addá stivrii dárkilat čilgehusa dihto áššiid birra. Dákkár čilgehusa sáhtá maiddá ovttaskas stivrralahttu gáibidit.

14. Almmolašvuohta ja diehtujuohkin

Áššebáhpirat maid allaskuvlastivra galgá meannudit, ja mat eai leat čadnon almmolašvuhtii, almmuhuvvojit digitálalaččat, dan seammás go sáddejuvvojit stivralahtuide.

Čoahkkingirjjit almmuhuvvojit allaskuvlla ruovttusiidduin maŋŋá go stivra lea daid dohkkehan.



**Sámi
allaskuvla**

Sámi University of Applied Sciences

samas.no